



Savjet bezbjednosti

Distribucija
OPŠTA

S/RES/1411 (2002.)
17. maj 2002.

REZOLUCIJA BR. 1411 (2002.)

koju je Savjet bezbjednosti usvojio na svojoj 4535. sjednici,
17. maja 2002.

Savjet bezbjednosti,

Potvrđujući Rezolucije br. 827 (1993.) od 25. maja 1993., 955 (1994.) od 8. novembra 1994., 1165 (1998.) od 30. aprila 1998., 1166 (1998.) od 13. maja 1998. i 1329 (2000.) od 30. novembra 2000.,

Prihvatajući da osobe koje su kandidovane, izabrane ili imenovane za sudije Međunarodnog krivičnog suda za bivšu Jugoslaviju ili Međunarodnog krivičnog suda za Ruandu mogu imati državljanstvo dviju ili više država,

Svjestan da je barem jedna takva osoba već izabrana za sudiju jednog od međunarodnih krivičnih sudova,

Uzimajući u obzir da se u smislu članstva u vijećima međunarodnih krivičnih sudova smatra da takve osobe imaju državljanstvo samo one države u kojoj inače ostvaruju građanska i politička prava,

Postupajući na osnovu Glave VII Povelje Ujedinjenih nacija,

1. odlučuje izmijeniti član 12 Statuta Međunarodnog krivičnog suda za bivšu Jugoslaviju i taj član zamijeniti odredbama utvrđenim u Prilogu I ove Rezolucije;

2. odlučuje, takođe, izmijeniti član 11 Statuta Međunarodnog krivičnog suda za Ruandu i taj član zamijeniti odredbama utvrđenim u Prilogu II ove Rezolucije,

3. odlučuje da će se i dalje aktivno baviti ovim pitanjem.

Prilog I

Član 12 Sastav sudskih vijeća

1. Sudska vijeća su sastavljena od šesnaest stalnih nezavisnih sudija, među kojima ne smije biti državljana iste države, i od najviše devet *ad litem* nezavisnih sudija odjednom, naimenovanih u skladu s članom 13 *ter*, stavom 2 Statuta, među kojima ne smije biti državljana iste države.

2. Svako pretresno vijeće sastoji se od troje stalnih sudija i najviše šest *ad litem* sudija. Svako pretresno vijeće u koje su raspoređene *ad litem* sudije može se podijeliti u sekcije od po tri sudije, među kojima su i stalne i *ad litem* sudije. Sekcija pretresnog vijeća ima iste nadležnosti i odgovornosti koje po Statutu pripadaju pretresnom vijeću i ona donosi presude u skladu s istim pravilima.

3. Sedam stalnih sudija su članovi Žalbenog vijeća. Žalbeno vijeće za pojedini žalbeni predmet čini pet njegovih članova.

4. **Osoba koja se u smislu uslova za članstvo u vijećima Međunarodnog suda može smatrati državljaninom više od jedne države, smatraće se državljaninom one države u kojoj inače ostvaruje svoja građanska i politička prava.**

Prilog II

Član 11 Sastav sudskih vijeća

1. Vijeća su sastavljena od šesnaest nezavisnih sudija među kojima ne smije biti državljana iste države, a koji rade kako slijedi:

- (a) po troje sudija u svakom pretresnom vijeću;
- (b) sedam sudija u Žalbenom vijeću. Žalbeno vijeće za pojedini žalbeni predmet čini pet njegovih članova.

2. Osoba koja se u smislu uslova za članstvo u vijećima Međunarodnog suda za Ruandu može smatrati državljaninom više od jedne države, smatrat će se državljaninom one države u kojoj inače ostvaruje svoja građanska i politička prava.